

DCCCXXIII. IXERIS *Cass. bull. philom.* 1821. p. 173. *dict.* 24. p. 50. — *Chondrilla* sp. *Wall.*

Capitulum multiflorum. Invol. ovatum, constans squamis 6-8 uniserialibus et squamellis 3-5 minimis ad basin calyculum constituentibus. Recept. nudum. Achænia oblonga acutè 10-costata rostrata, costis lævibus. Pappus pilosus 1-serialis albissimus. — Herbæ annuæ Asiaticæ glabræ ramosæ, habitu Lactuæ seu Sonchi. Folia elongata, integerrima seu pinnatifida. Caules apice nudi corymboso-polycephali. Flores flavi aut variantes purpurei seu albi.

1. I. POLYCEPHALA (*Cass. dict.* 24. p. 50), caule simplici seu apice ramoso, foliis lineari-subulatis, inferioribus confertis semiamplexicaulibus sagittatis acutè et subretrosum dentatis subtus pilosulis, superioribus basi acutissimè sagittatis remotis. (1) in Nepaliâ legit cl. Wallich! et in montanis Indiæ or. ad Sohedgunj, Gorukpore et Bagduar cl. Hamilton! *Chondrilla tennis* Ham. in *Wall. cat.* n. 3274. comp. n. 384. et *Chondrilla longifolia* Ham. ibid. Folia 4-6 poll. longa, 3-4 lin. lata. (v. s. comm. ab hon. cur. merc. angl. Ind. or.)
2. I. FONTINALIS, caule à basi multicipiti, foliis glaberrimis, infimis obtusè semiamplexicaulibus, cæteris acuminato-sagittatis pinnatifidis, lobis acuminatis distantibus, foliis summis latioribus subdentatis. (1) in Nepaliâ, verisimiliter ex nomine ad fontes, legit cl. Wallich. *Chondrilla fontinalis* Wall. cat. n. 3268. comp. 378. (v. s. comm. ab hon. cur. merc. angl. Ind. or.)
3. I. VERSICOLOR, caule parè ramoso, foliis lineari-sublanceolatis integerrimis dentatis aut pinnatifidatis, caulinis semiamplexicaulibus obtusis aut brevissimè sagittatis, paniculâ subcorymbosâ laxâ. (1) ? in montosis lapidosis Chinæ borealis et Dahuriæ leger. cl. Patrin, Turczaninow, etc. *Crepis versicolor* Fisch. in litt. 1822. *Lagoseris versicolor* Fisch. in *Link enum.* 2. p. 289. *Prenanthes versicolor* Turcz. in litt. 1829. *Barkhausia versicolor* Spreng. *system.* 3. p. 651. *Herba elegans* valdè variabilis: 1º. quoad folia integerrima, dentata, pinnatifida aut pinnatipartita, ad basin breviter sagittata aut obtusa; 2º. quoad flores flavos, aurantiacos, lilacino-purpureos et albos. Ad *Ixeridem* relata ob achænia longitudinaliter et acutè 10-costata nec transversè rugulosa. Rostrum achæniæ longitudini æquale. (v. s.)

† *Species exclusæ.*

I. MONOCEPHALA *Cass.* = *Macrorhynchus pumilus*.

DCCCXXIV. MACRORHYNCHUS *Less. syn.* 139.

Capit. multiflorum. Invol. campanulatum imbricatum pauciserialè, squamis lineari-sublanceolatis acuminatis, exterioribus foliaceis, interglabris corollas æquantibus. Recept. nudum. Achænia glabra, teretiuscula, costis numerosis nunc alæformibus (ut in *Ixeride*) nunc callososuberosis exarata, apice in rostrum longum gracillimum attenuata, basi areolâ callosâ instructa. Pappus pilosus albissimus pluriserialis. — Herbæ Chilenses annuæ villosocanescentes 3-12-pollic. Radix exilis. Caulis basi simplex aut multiplex, imâ basi foliatus, apice longè aphyllus 1-cephalus apice villosus. Folia subradicalia lineari-sublanceolata, integerrima aut dentata aut ferè pinnatifida, caule duplò triplòve breviora. Cor. luteæ per anthesin invol. vix æquales. Achænia pallida, costis obtusis lævibus.

1. M. PTEROCARPUS (*Fisch. et Mey. ind. sem. h. petr.* 1835. p. 41. 1837. p. 40.) invol. squamis exterioribus subsquarrosis villis albis hirsutis, achæniis alata-